



永報堂集


目錄

永報堂詩集八卷

艾堂樂府一卷

揚州畫舫錄十八卷

傳奇二種



序

揚州詩人李艾塘名斗撰畫舫錄以紀竹西人物遊讌之勝都人士爭傳之又或爲戲曲流傳樂部登場者邀其顧誤俱昇平盛事或疑艾塘爲陳眉公李笠翁之流讀其詩五古得選詩陶謝風韻七古律詩詞意雅正擅唐人體格之長絕無俳諧佻巧之作蓋詩如其人艾塘固以質直不合時宜以至窮老先是揚州流寓之以詩名者曰鄭板橋燮金壽門農二君稱意爲詩特好爲奇怪字畫一時爭購其筆跡而羅兩峰善畫山水樓臺得宋人法恐不見重於世因畫鬼以發抒其喜笑怒罵之

水華堂詩集
一
旨艾塘則無是故其遇益窮知者益少亦如惘幅無華
之吏不如變亂舊章者之巧於取名矣然所居揚一爲
海內都會四方學問文章技術之士至則與艾塘奉手
題襟流連文酒之會故得盡知經術淵原天部轉算詞
章流派曲折或載於筆記著于詩篇皆極一時文物聲
名之盛往者當道主持風雅嘗置翹材之館下白屋之
士搢紳素封之室以其餘力購書籍招賓客相矜尙過
此都者有腰纏跨鶴之喻不數十年前輩少而風流歇
秋毫析而物力絀矣艾塘雖貧無所之而聞見愈擴交
道益廣韓翃詩孺子亦知名下士樂人爭唱卷中詩又

可咏之以自慰也余以乾隆丙申年遊維揚與諸名士
爲平原之飲有詩云紅燭照顏年少去青山回首昔遊
非及嘉慶癸亥年出山過此分賦得難字又爲詩云蛤
利味邊忘事易鱸魚風裏去鄉難疇昔交朋或以宦遊
遠適或中歲夭折搢紳邀予雅集坐中舊雨如晨星焉
而艾塘持螯十數斤醉予于秦敦夫同年所精神意氣
視疇昔加勝尙待予歸續香山蓮社之遊則抽簪不可
不及此時也太歲丙寅六月十一日孫星衍撰於安德
轉運使署之平津館

序

管子曰詩者所以記物也賈子曰詩者志德之理而明其指令人緣之以自成也學者貫練經史總閱名實博矣而不極之以風俗瑣言雖工猶不工也吾鄉李君艾塘少不受帖括束縛獨以古書自娛性任俠樂朋友長而遨遊自京師楚豫閩浙以泉三粵之遠靡不徧涉而揚州又當舟車之衝昔者四方洪秀偉彥之士接踵相至且數邀

翠華

宸賞亭館之盛花木之美富甲天下艾塘日夕搜討其

元幸堂詩集
間狐腋非一皮能溫雞跖必數千而飽二十年成畫舫
錄一書余嘗以爲有東京夢華洛陽伽藍之風且所錄
皆昇平故事聞者竟日忘疲而無有志微噍殺之響可
謂宋畫吳冶極刻鏤之致矣故其積而爲詩皆峻切訐
直託論清遠又如瓦棺篆鼎時花美女寫其意之所得
寧爲郊島之寒瘦而一切臺閣氣象無以犯其豪端則
雖管賈所論無以易也且所交尤善學問之士如容夫
之沉博保期之純粹里堂之精審鄭堂之淵雅則其所
學於古者亦不後於人也歲丙寅艾塘以所作防風館
詩上下二卷索敘余因爲艾塘識其所得如此今艾塘

齒將老矣而香輯不輟酒闌鐙炮爲人道疇曩事豐豐
不倦若隨筆疏記之必有補於揚州圖經者曷再以詩
紀之阮元序

序

古人小學先通數與方名而後肆力於絃誦臬夫大學始教又必以格物致知爲先務蓋非知之明則不能言之切孔子謂多聞闕疑慎言其餘又曰蓋有不知而作者我無是也是以周公既釋羣雅乃詠豳風屈平博采衆芳因歌楚詞流及漢世揚馬之徒亦必編葺倉頡文字哀采郡國方言乃爲文章是故古之立言者未有不先求致知者也然而專長攷覈之士又往往不工詞章若班固之白虎通論張華之博物禽經郭璞之雅箋經讚固皆出其所長形諸歌詠至若許翥應劭崔豹鄙道

元等其著書皆殫見洽聞元元本本而未嘗並以詩著則兼之者難也艾塘先生撰畫舫錄於揚郡郊坵山水園林人物靡不博攷雅俗覩縷鉅細其間漢尺周槃及律算藝術因端載錄洞晰條流可謂詳且明矣今復示永報堂詩八卷其詞峭潔而旨深遠運事古雅而博奧其記所遊歷山川若澳門珠江博羅番禺南韶梧州峽江雲臺胸山焦山茅山攝山高堰股堰及述畸行異人若孝子節婦活佛七姑之類皆事傳其實不啻畫舫錄中書法而其品槩時流露於行間蓋狷者之詩也當昌黎之時盧李張孟並以詩名君非其流亞歟夫解牛可

喻養生烹鱸比於治國假令先生出宰百里爲民司牧其於一邑一都之興去利弊當如何考求必知之真而處之當惜乎其窮且老矣揚郡繁會之地自昔爲詩文者鮮重根抵同年汪容夫顧文止始務實學中丞阮公以詒經教其鄉使後生輩皆以先生著書爲詩之法窮經術爲文章揚之人才豈有限耶先生嘗分撰兩淮鹽法志揚州圖經及詞曲歲星記又將著錄昭代典物孔子云吾不試故藝漢書載方術逸民予以爲費薊之屬皆逸民也古之詩人鮮不博物故有誦詩至采蟲而愈其疾者觀先生之以防風名館亦可謂嗜學也夫

嘉慶丁卯孟陬新安洪梧書於梅花書院

永報堂詩集卷一

儀徵 李斗 北有

屠維赤奮若

田家雜詩

獲稻往田間緬焉情自逸
淺水清見鱗荒籬疏養棘
暗流伏莽翳破霧山泉溢
鱗聲出後渚坎深望可測
一颿青草上風依草際息

養雞竭方術種樹辨土宜
雜樹生風涼日午陰伏雌
兒童探鵲殼上樹折一枝
老毗見且驚扶杖有所思
此樹已及拱方爾生初時

長夏勞憂減望秋思圖存今春蠶麥傷禾稼還可論飛
鳥不離田場苗應庶繁家家築場圃思負冬日暄余亦
從之遊先會無所言

屋角結牛欄下有繭栗犢安得致牧田乃敢負糝禱母
子有天性豈憂乏乳育不須穿爾鼻暫與免齧齧有時
過羊溝歧途正躑躅

田家養母雞看之及鳳凰自啄村界粟不犯他舍梁立
標爲趣鳥野豆越其疆古社多望樹愛類乘陰涼未晚
棲于峙樹顛有夕陽

望樹出後村有鵲巢其上秋深旣瓠落前村及瞻望前
村每相思指樹以情況結連慎綢繆延緣極快悵時呼
後村人飯熟將來餉

噉薤常留白食菜不食心一食一升飴一飴重千金我
來輒具食家釀且酌斟屬饜忘嗛饑餐食落虛禽加餐
亦旣醉歸風吹我襟

薄田多仄樹隆冬出疏枝玲瓏亦有致寒月相披離樹
上鳥啄木樹下人吟詩真會可共語所語無人知萬物
各言志音響難爲移

上章攝提格

春日游季菴

芳華堂詩集 卷一
緣堤入溪曲情近路不遙行盡窮澗濱步出園後橋生
草雜豆田春風縈麥苗野綠冒陵藪塔廟遠獨超神遊
亦既及求之殊不勞曲繞草根路一僧相呼招餉客有
山襟機賞託雲寮經卷生道心寂理慎所交坐久行將
返歸計因漁樵

折楊女

誰家折楊女風顫花枝搖鬢影蝴蝶隨人戀殘景沾泥
帶絮墮苔井花氣約人歸畫樓曉日曬花露不收化作
琥珀飛上頭花心寤得人心愁黃鸝一對分窻過烏圓
驚起膏騰坐錦衾香膩理不開風去花留容一臥

重光單闕

始過李家橋到西莊感而泣下

野橋界天水橋外天水連橋內小水口通水不通船
到呼橋主遠村聚人烟小兒搖牛鐸來索抽橋錢老婦
遙睇視罵兒笑拍肩與余稱舊識牽衣草堂前告余立
此橋尊公爲之先舊疇恒相忘居人知本源先子耕鑿
事問能道其全人雖有子孫隣里毋舍旃胡不舍鄰里
典型桑梓間余父買田十頃居謝墟下馬家高鵬二橋
之間近馬家橋者東莊名曰嘯煙山館近
高鵬橋者西莊
名曰水南村舍

墨莊訪年三丈

身落江湖可奈何此生收拾付蛟鼉英雄老去傷心少
詩客貧來見道多擊筑未遑歌紫塞吹簫徑復渡黃河

人人盡說平泉好捨得餘生墨與磨

年名寄濤字瘦生宛平人居揚州善

畫山水墨莊歙縣汪氏別墅在城西

養蠶詞

馬頭孀教女兒蠶一年一市三月三朝起采桑向晚歇
大姑禰祗小姑籃歸家探懷飼蠶子神桑一出神蠶起
幾日天晴上箔頭怕天秀麥寒於秋蠶一眠嬌春女桑
含細烟蠶二眠女兒采桑爭樹顛三眠起勝蠶又去拾
蠶子蠶子拾完蠶已黃雙姑共老深閨裏深閨裏十六

年頭到年尾春風嫋嫋二八時蠶到三眠事可知今年

養蠶還買絲不知落得嫁時衣火熯熯湯沸沸繭綠為

絲織經緯蠶子一生成繭子素絲付與雙姑未繭子齧

蛾子出毛斑斑翅乙乙學飛不得拍拍高稚鳴雌應咬

相匹今年養蠶蠶種忙載生載育蟲飛揚從今更種相

思子放鴨不打鴛與鴛蛾子黃蛾子綠桑柘成陰出苑

屋

東莊晚眺

長晝睡既足起視餘日光狗吠別賓主顧我暫回翔雞
抓牛背蝨長鳴先引吭周圍視百草根實皆自香榛栗

攀枝取菱芡就手嘗遙遙江南山有時青出墻夕陽人
影散大路歸堂堂隣屋炊烟生煮豆何其忙將訂微者
約明朝食爾漿

元默執徐

夢覺作詩寄淮陰湛真寺釋石莊轉問家兄

善幾識性動秉氣根所生東海有方丈寢食心爲驚直
夢水漫漫悟使神營營日駭河水渾夜駭湖水清楚州
勿具論胸山且已平胸山在楚州中有親弟昆蛟鼉東
南去魴鯉西北行魴鯉寄我書問僧故問兄

昭陽大荒落

尋梅

大雪銷頭盡冬春代謝巧少室已漏泄青陽歛娟好有
懷出城郭情久失寒曉微風倡虛聲細雨被宿草萬巖
奏地出昔樹亦云老朝陽苦衰多夕陽幸衰少坐闕先
春時清賞遺歲杪陰峯雖解作晚香猶遜小明早將更
求餘花及摛藻

高資港呈孟將軍

未結青溪柵扁舟放客吟檣聲萬山動帆影半江陰酒
怕愁粘薄秋多病與深行將留馬鐙慰子寄離心

梅花書院宴集送朱泰安

梅花館舍北門船
餞客金尊肆此筵
今夜共拚人中酒
明朝相送子朝天
衣香人影三騶裏
嶽色河聲一馬前
莫道歸田初願足
使君不出是遺賢

闕逢敦牂

別婦

堅平信石席拊心
標以傷春日祀祖
神遊子舉離觴遊
子爾有母胡爲志
四方子母慘相弃
爾心寧不傷遊子
舉離觴重重拜高
堂避席向婦語理
我舊巾箱遊子事
行役家人守空房
遠行爲爾父爾家
有姑嫜姑嫜匪異
人哀哀遊子娘念
予冰玉恩爲予菽
水將恩情親似膠

義分明如霜壯士
重一諾匹婦毋相
忘堂前風日美門
外楊柳長舸艚揚
旌旗天地沉秋光

皂林

游子淒行色孤帆
之海東浪花明越
漿冷意落吳楓客
鬢經年白山樑此
度紅前途石門鎮
不定酒旗風

富春舟中

趁潮昨夜出錢塘
白舫青油到富陽
東漢灘聲流水迴
南唐山色晚雲忙
浮家大有三間屋
旅夢寬宜六尺牀
聞道此中高隱在
壓篷烟樹正蒼蒼

嚴陵

九里山連七里灘炎劉傳此兩漁竿朝廷豈待功臣薄
天子由來禮數寬前後漢書歸正史東西京賦出郎官
如何天下精兵處不及高篷釣艇安

草坪

已厭水行將陸行玉山常山經幾城縈青縹白土窯火
淘碓春沙灘碓聲長驛方過短驛至後山纜盡前山生
赤欄九十竹輿歇四十橋亭名草坪

旃蒙協洽

人日見月

西江一片月初照遠行人此行遇人日良夜總宜春

峽江

豫章南入千灘夜北下臨江萬頃春十八灘中水深淺
開頭人問過來人
上牢解艫過三百風利何從壩口留苦竹灘頭隔年雁
到春啣尾下巴邱

客中寄內

深箐茂筍箭晚花結蘇荏物性詎因地辛苦已難忍小
人本有母胡爲不來論衰姑奉席時子可還將衽子爲
嬰下婦晨昏可勤恁子爲尊親行千里信已審內嚮不
家食外嚮子所稟內嚮試口嘗旅味若流潘裁書一送

想莫寄流沙錦

三水浮石歌

天涯復天涯三水夫君家東望白塔岡西望浮石沙郎
歸不歸心亂麻昨有下水船同住爲桑梓妾問郎消息
知郎衣化緇知郎心歸身不歸衣襟上漬千行淚客問
妾如何妾淚比郎多一自銷魂別五年無尺書雲中常
數雁水中常數魚郎如水心白塔影妾心如石浸波冷
塔影自層層可望不可登石沉江上洲浮沉任悠悠鷺
鴨來集蛟龍來游寡鶯聲啾啾鰓魚黃膏流與郎一別
成千秋郎心縱改妾不嫁願向江心守長夜

澳門行

東西戊亥古無地莽莽海天何處去三始太守控咽喉
黑雲霾盡澳門樹白虎咤嘯青雀飛犀角大刀揚天威
火舫水車不知數數十毒龍無所歸一將手持銑鏡立
曾斬虜夷十萬級回頭脚蹋船艙中今朝故鬼休啼泣
海上人呼黃頭郎問爾殺人有幾場笑而不答袒相示
寒風裂盡刀頭瘡我識海南千百國千百國外是海北
吧郎氏對俄羅斯千百降王都是賊今日市上桑宏羊
長質短劑紛成行時平鬻賈歸群司知星何得知櫂槍
長官鹵簿防秋出昔年虎將遭呵叱今日予從海上來

海上風波向余述

虎門行

碣石三營十萬兵惠潮廣肇皆連營虎門將軍善團練
教人箇箇能輕生百草始生霜爲露穞蟹耕漁按田賦
百草旣成露變霜十五五把長槍治所已控四節度
晉幕齊巽連舨艤人中有健兒隊主心識之十萬官兵
萬人敵有如健兒百不一健兒不受隊主薦瀛海懸刀
闔飛燕刀裹潮頭萬丈高夾艦雙龍奪賊標千子硬弓
恒水上錢鏐强弩浙江潮潮淨烽停通市賈人畏健兒
如畏虎將軍解嚴健兒窮人豢健兒如豢龍不知何日

放河汭至今猶在尺澤中

莞上贈高明府

輕舟浮滄海洪濛際溟漲溪洞極島嶼星辰相滉漾益
部樓船多神龍不可狀迴舫企虎門名卿自廉讓津吏
挈榼來蜚婦捧饗向峒蠻旣接館山夷亦供帳高臥沙
場中窮城春酒壯

送孟將軍入海防秋

南海千丈船造與人效忠旌旗叶星辰文號驚海童將
軍三錫命不尤一漑功外薄島嶼間會與海氣空山行
問狐狸水居弋鳥鴻至誠有墮光稊航耀在躬方今脫

窘急山澤餘沙蟲神不著其澄何以報彤弓長官治行
裝坐駛大旆風余爲好勇者將以從明公

東莞

海縣漁柳靜邊城戍鼓閒草香人愛瘴客久語通蠻瀛
海遙風次羅浮暱臥間近聞開水陣校獵虎門還

遊張氏園亭贈莞人張桂

邊邑富名園醜地豐澤藪在家日旣多遇客復時有清
晨賤脩來招隱意良厚升長見松門屯遭入雲牖雷垂
漸沼泚堂下周畎畝南軒來薰風北窓雜榆柳中有所
住齋掃迹樂虛受居士如虬蛇戀窟常八九懶起自臥

遊疏狂亦旣久我來輒忘寢倒屣唯恐後揖讓爲細故
奚假李牧手二王捐送迎持平毋太苟何當移家具隣
此芳樽友

贈東莞蘇傳號兼寄孟將軍

停輿已兩日愁絕孟將軍缺券空中據金笳夜半聞依
威須振武懷遠待斯文峒主休相泣寶刀寧識君

大佛寺

結愛不在遠蕭寺就船出登岸得墟址雜樹隱禪室旃
檀荆棘中篩碎炎海日祥風搖中林嘉氣觸巖石徧地
清香生滿路雨花泣於此脫緣節叢林暗委悉容迹長

廊下豁情抱吟膝堂上聞經聲調節協懿律中有俶儻
語舉世無其匹片言辯要趣一笑乃成疾回首追路尋
掛帆已輕失

海幢寺

遠步招提境名園世所稱家從去年別樓待遠人登芳
草成閑醉天涯逢老僧此來勤拾級賴此一枝簾

珠江詞

江水通濠濠畔街鴛頭鞋子鳳頭釵妾家住在欄杆曲
姊妹名多亞字排

東風吹上越王臺城裡春花城外開城外生疏非熟客

笑他鸚鵡怪呼來

沉李浮瓜渴未消冰山直比鬢琴焦梢娘自有迎涼草

放下珠簾裹薄綃

天涯邂逅漫倉皇消息將來作謎藏些子便成千古事
櫻桃紅破嚼檳榔

收珠詞

真珠江上長珠胎顆顆真珠淚作來江上女兒穿幾曲
游春帶上越王臺

荔支

玳瑁珊瑚封一樹有人樹下立多時冰衙今日移厨餽

元朝堂詩集 卷一
恩與初嘗官荔枝

淨慧寺題壁

雁泥鴻爪不堪尋
白髮年來兩鬢侵
春後木棉霜後橘
六榕華實一年心

丁郡尹舟中有贈

蠻府參軍粉畫船
真珠江上敞華筵
十年榕樹陰三里
一市荔枝紅半天
江雨滴殘鸚鵡夢
山嵐啼破鷓鴣烟
拂巾但恐驚衫袖
風入琵琶亂子絃

丁郡尹招遊沙郊影紅園

萬里綢繆此一尊
故人共我欸寒溫
春帆細雨盤沙海

畫槩斜陽次水門
橘柚欲紅來樾客
檳榔初綠護桐孫
嗟予本有言歸志
暫欲因君賦小園

阻雨

萬古雷州雲電雷
雷廣韶南贛片時迴
飛泉百道晚逾急
殘照半林晴忽來
矚朗暫隨人意遠
窮陰不讓片帆開
舟師况報蛟龍舉
動地人聲聽更哀

夜泊

柁樓寒甚不堪憑
擁住吳綿蓋蜀繒
風轉秋山巡夜虎
波澄古寺打鐘僧
越將有福開嵐秀
禹不能名絕峽峻
關塞已深流水淺
雙軒况斷海邊藤

三才集言卷一
三
滇陽

瘴江瘴嶺一層層萬斛松舟百丈繩斜月放山聞餓虎
朝陽蔽草定饑鷹船從井底中間出人向峯尖頂上升
詩句近來非鑿險只因憂過杞天崩

出大廟峽夜泊黃石磯

萬水爭流大廟前兩排山擘一條天水從黃石磯頭下
船向紅棉花裏牽帆索強來趨世路衣風空自吹華年
韶州白葛輕于紙祇此青衫得萬全

清遠峽

插天青嶂鎖嚴城荒戍通江偈仄行萬壑兩排峰乙乙

中流斜斷石庚庚風催病葉添山雨天遣哀猿助峽聲
輿地何因如此狹大千世界有誰爭

飛來寺

峰尖尖上換高臺衆造無緣得助財荒外江山非戰地
空中樓閣豈庸才峽暉至此全無際嵐氣逢人始一開
山者何因驚欲走調猿弄虎我飛來

舟過彈子磯遇張韶州

江山終古占蠻鄉拚得隋珠入戰場時見餓鴟驚霹靂
每逢異鵲利螳螂晉人原有空弓樣潘令曾無擲果方
寄語英州賢太守彈丸可以免蒼涼

庚嶺謁張文憲公祠二首

雷山小過裂袈裟六祖功歸宰相家此日地行稱五嶺
當年水戰出三叉左開端信平蕭銑右合滇滄破呂嘉
收拾六朝殘局面一條官路似脩蛇
地脉雖開縱鍾愁若何營度有雒州相門過後成鄉社
邊戍平時當盡樓本爲中原通鼓角幾看南士作公侯
車書躬際今天下關塞行人過不休

過嶺

回頭烟瘴失諸蠻秦月依然照漢關客路已窮千嶂雨
詩情更寄一房山籃輿綠橘黃橙外笋屐衰楊暮柳間

滿路秋光歸易夕夕陽影起贛江灣

南安

翠屏丹嶂不成圍漏出城南白板扉雨後亂流鞭馬入
樹梢殘月趁雅歸倚天關塞空長劍匣地風霜但短衣
此地誰爲東道主荒亭且與息驂駢

惶恐灘

瀕州瀕石二十四灘多巨石旅人難我從二十四灘下
第一相思惶恐灘豈有曹溪能暴漲更無松柏可迴瀾
從來川驚皆嗚咽何止蕭蕭易水寒

滕王閣別明太守

滕王高閣倚清秋
西下斜陽東下舟
地豈不長人易散
筵真難再水空流
已將萬里周迴轉
未讓孤帆少駐留
欲學王郎嫌結習
主人風月本無儔

南昌道中

樟樹鎮前烏柏雨
西江門外早涼天
盈筐橘柚沿城賣
無數秋紅到客船

漁灣晚趁落潮風
都入衰楊敗柳中
萬點夕陽翻浦激
鱗鱗搖作鯉魚紅

桐廬

碧波心裏漂青荇
紅樹梢頭生白雲
夜雨幾痕添濕翠

萬山回首拜桐君

永報堂詩集卷一

永報堂詩集卷二

儀徵 李斗 北有

柔兆涖灘

故園有贈

情愔感自中動機構于始相知無自外寤歌得素理結
交幾何時贈我古井水積慮豈限闕分隔知所止山池
有奇石心跡銘諸此酸然造一曲明月中宵起唱虛愁
朗照遙和意良美聞君美吹笛便串有奴子

送宮三霜橋歸泰州

季布在一諾曹邱善遊揚才力擅雄獨聲譽看翱翔子

爲東海士立志在四方朝朝排藜藿夜夜陳酒漿環絡
藻繪府按轡文雅場友生有至樂云胡歸故鄉方今重
門塗投袂還攬裳忠信不見明親愛難久長海陵紅粟
多鴻雁無稻梁反路亦寧遠貞心予以匡

青樓曲

膠漆畫青樓青樓人獨愁不見楊葉陰城曲但餘柳絮
飛江頭柳絮飛楊葉稀楊葉覆儂髮柳絮撲郎衣儂住
青樓心自飛郎隨流水何時歸何時歸天邊草極盡無
邊綠空作有情老人空老在青樓孤鸞寡鵠小垂手哀
鴻落葉大江流江流不能流妾心妾心江中不繫舟萬

事雙丸揮手去流水落花不知處萬事傷心萬古愁愁
人何必在青樓

移家

此去唯辜父母恩昔年松菊已無存一丸曾我封函谷
萬里伊誰出玉門非爲才名愁折損豈因俗事廢寒溫
春來多少辭巢燕飛向天涯各斷魂

水南村舍作

一湖西北水幾枝東南花挂帆臨永路湖盡忽人家
四月復歸東莊讀書

陽和鴉鵲鳴揆景山農驚吾學久不殖嘉穀何由生起

永新堂詩集 卷二
視畝畝間春墾未輟耕但子少失時況茲立境成修行
端恂恂說經期鏗鏗捧腹愛便便具體何觥觥頂踵父
母恩此身焉可輕民食重姬載種法詳軒經缺食八口
飢弃道百世傾顏子負郭田卓哉陋巷英沈郎東田宅
屬望何其清屋後筍已黃庭中麥餘青牧牛還讀書自
秉先民程時禾不再熟生人無千齡我無榮世心豈復
矜浮名一以束骸骨再以完拙誠

述懷

物始未有例孤進立心苦竭情宣祕惜精華忌所取赤
水胎元珠丹邱產翠羽生逢特達知畢命在網罟人生
天地間托根著淺土器雅易絕倫名高孰為主豈有固
窮心不窮禍及汝佩德旗所衷屯固自終古

四月不雨

夏天久不雨農夫心冲冲精尋灌溉源故堰泥塗封未
聞旱母出已嗟清野空西南鬱浮雲東北忽驚龍不愁
水敗田又俛輪弄風阜螽亦既見蝦蟇將何從犧牛有
弗及素蝦已致窮賤族此桑梓盈歉關通功勤閔雲漢
詩將雨其豐隆

田家

驚蟄穀易犁大寒牛易妻犁牛極流便親累從此滋苟

非厚所生奚爲化所居百事賤計筭廢舉亦有時老農
在用稼老牛焉可尸詩成一長吟驚散栖中雞

初秋打濕穀市上見新米暮從城曲歸青蚨出囊底燃
糠照且數田價差可抵明日過田主雞黍以爲禮

長溝植生條折柳樊場圃中雜果多浸之有後渚寄
汲資灌溉汲路不修阻所汲相與偕悔吝無區處忙作
賣菜傭閒看野菜譜

陌上牧牛兒悶行憂思沈炎天水土毒異產多病侵遠
陌牛醫來見之相追尋牽病出相示火艾藥以鍼銜草
既不食瞑眩愁不斟瞪目熟視兒一鳴哀且深醫能識

牛病兒能識牛心

強園作藍

初春送汪大南溪往湖南

百草春來喜先幾掃迹生天涯同一綠與客到湘城楚
衆入遐徼巴江付險程此時多乳穀先聽子規聲

送陳古漁歸里

河水混流湖水清一堤相隔太分明眼中水是兩般色
人在一堤堤上行

送金棕亭廣文往高郵

落月尚從低樹挂宿雲早向碧天揩送君此去如河草

元華堂詩集 卷二
一路青青過界牌

海州題張堯峯詩兼寄凌仲子

張公詩句多風神性情格韻已大醇今日我從東海來
知音者希求賞真我開卷頭五尺許詞來氣往揚高旻
沿波瀕洞經滄海振采陸離翔鳳麟魯之君子多術藝
卽席之美乃其倫雍州積高神明區北自雲中迴孟津
井而方之蓋萬里得此佳手河山春江東獨秀君已久
我亦新詩吟在口餘子碌碌不足數我不如君能不朽
明日當將凌子來不速三人一杯酒

登雲臺山

兩山界一湖雙城鎖萬嶺町疇懷于公大義出露井石
路旣百盤牧田已千頃西鬱壑雲蒸東與海虹警伏泉
不知藪懸冰得奇逞穿林諳樵路幽谷生靈境風幽聞
鹿鳴霞飛見鶴影趣好人外遊音吐荒餘景孤賞非迷
罔夢入僧窗迥

昔聞雲臺山斗絕曲入海不農不地著終古闕精彩島
夷率來服從茲疑堯髓天下名山八蠻中或有此吐漱
興雲雨呼吸下蛟鯉黑龍夜吐光潛陰晦復肅東北神
明舍陽曦迸百琲羲和故振策宇宙忽流彩遼廓漏幽
仄當陽咸服采澄映自迴合浮光或邈迤我來依末光

亭明及蕭芭

馬上胸山

秋氣已積候神秀冒孤清訪古振長策俯仰臨故城拓
援固往迹桓和亦陳塵史書東門闕馬耳存空名魏收
畧不具姚察非典型秦記在目前豈非身所經驚巖伏
人志壯海通精靈構此鬼神質虛宇充元冥松喬所難
言何恤於秦嬴緬彼行路子撫景空長征

秋雨庵看桂示僧竹溪

獨居亮無悶窮節匪所憂但以限芳序乃與子遨遊樹
間陰氣張萬物皆藏幽瞻彼丹桂花粟粟含枝頭下階
玩物華連蜷枝相繆屬美有至道拈此君知不苟非校
僧來何以參勝游願發金光明照此百尺樓

惠照寺贈詩僧誦茗

破懷識所憩出郭吟商秋緬彼法會人久已歸林邱理
策冀良晤竹聲鳴風幽中厨斷腥羶飯我多水羞法集
在何時當獻荆山璆

著雍閻茂

龍潭贈後巡檢

重戍江南畫角新三义路雜淨風塵驛樓斥埃誰爲守
村墅逢迎自可親官冷城兼稱鐵石家貧山自號金銀

元幸堂詩集 卷二
此行莫折丹陽樹留寄他年柳下人

秦淮妓

春雲縷縷壓春烟朱雀橋邊欲雨天燕子不來三月冷
酒旗歌板有誰憐

潮信今年又綠波春人春夢幾消磨客愁不盡斜陽外
翻覺春江水不多

攝山雜詩

人中斷煩惱散髮疏客簪出門即攝山問路名龍潭白
猿挂香剎青鴿巢石龕林壑莽蕪灌阻與勞幽探入山
自此始水石相包涵迤北肇捫掖雲水何醜醜

逕崗轉幽仄復嶺到西峯宿霧鬱未晞朝雲蔚已封山
腹結崖穴露滴青濛濛飛雨空中來松篁振遠風怪石
立三五狀若白髮翁

楸戶山之東幽繆結衡宇欹盤秋鶻棲懸石挂鐘乳烟
升見前軒江聲自今古洲渚明沙際遙心入南浦

南山繚繚岡澹澹崑泉長上窮壘巖隩下頽江波光遐
矚憂攢羅聚若蜂成房浮屠三尺高端倪遙測量諸天
五六分幢蓋何飛揚經聲下斜景駭風相迎將僧衆如
聚米法集皆典常茲非靈鷲山何爲廣道場

始時建康郡飛真攝生理昔人採藥去今人守邑里泉

石企神明林巒移景晷昔景無復有到今及荆杞風來
時怒黑雷集動雲水山禽鳴窸窣崑獸雜悲喜聽者心
悽悽見之亦耳耳

遊子不得志泊車入蕭寺登降既信宿聞見亦靈異路
逕見直道流屈飾神知居者太古人無處名利士且欲
食沆瀣惜斯松草美

幽居精舍贈松亭師

入山嚼清風師老我亦故昔往樹始華今來不知處山
深詎相悉必爾淺年數同遊及漁採獨去得樵路半塗
力不足勝引付存著任逸或閉關以類得常住誥朝當

別君屢盟在此晤

江上泛舟

江上無端泛翠橈山川臺榭入烟霄醉從穀雨前三日
飽聽松風後六朝纜索虎頭臨畫棹又隨龍尾挂詩瓢
卷頭卷背爭傳唱題盡紅欄九十橋

屠維大淵獻

遠別離

東風過市飛花香桃李青軒紫白楊長笛聲哀短簫咽
送人出戶心徬徨墟烟風裏沒飛鳥連天萬里王孫草
王孫此去何時歸明日靡蕪蝴蝶飛

張秋

春雨霑枯桑四月生青條
烏鳶夜啄人白晝風蕭蕭
四月大麥乾五月棗花落
行盡張秋不見人鬼桃野粒空
城雀空城雀臨清州水歸地骨雲天秋
東征將士歸薊邱蒿聲高出城東樓
長夜杳無人黃河千里流咽咽東
征魂陰哭霾荒陬琵琶彈斷烟花夢
金縷紅文蹙雙鳳當日青樓判有人
能歌今日清河頌鐵戟沉沙都不用

陶然亭述懷四首

小人善計算心計隨視流
君子不相謁其方多不讎
石藻從輕風鳶蘿如其柔
青雀識菩薩白鴿歛來游上下

美自處庸行皆醇修苟且赴幾會恒爲有德羞

爲客已兩載瞑行若痴人
懣揖欣有託淡面因所親
有時望下風鞠躬趨末塵
盥水誦洪筆語澁氣不申
薰然歸予正謂同天下文
鼓勢固爾爾掃迹當全真

深巷阻虛館木榻當膝穿
日午叩荆扉南郭張華筵
貂珥盈座隅驕驕馳高軒
雲雷鬱樽俎山海羅豆籩
良夜雖未卜永日將款然
昔我山澤遊賞會今已愆
絕簡傷淺知胡爲通周旋
樂觀集近趣誓苦恒遠延
觀彼兼與葭蒼蒼守雲烟

人在神仙中眼如點黍明
識別聚此理誠妄通其情合

禮自嘉會不吝市井名滄流豈不驚涇水當春生涇水
數斗泥黃河千丈清勝貌樂莊容充辯恣神營曹邱非
長者季諾皆千金我辭遊俠窟將上蓬萊行

賦詩飲酒感而有作

作詩悞功夫飲酒預人事古訓意深遠人凶年往駛岌
岌功名士心路別胸次煮豆恣所吟舖糟逞所忌共在
憂患閒挹鬱不得志騁懷旣靡依嬰衿轉多累時或燒
筆硯且復毀什器何爲永決絕劇爾邈離異人生多禍
福芻狗自有義情滿虛于物境缺完其趣觀人於所微
莫不在篤嗜且以別誠僞道在永所寄

武昌閔孝子貞贈畫蘭

雲游鸚鵡洲水流黃鶴樓楚水楚雲根至性生蘭氛馥
凌清秋蘭兮蘭兮誰貌爾非至性人不能此展紙呵筆
幾萬輩我見湘中閔孝子朝來袖一畫出贈青蓮李懸
之粉壁上花花皆離紙風破粉壁花花飛小人有母憺
忘歸

輦石贈盧三竹圃

輦石江南憶翠微故園峯色已全非謝公豈料斯人出
陶令曾兼稚子歸縱使重來尋館舍已經無處問庭闈
天涯芳草逢君日開盡棠花共落暉

游憫忠寺

閒中散步歷城池鐘作鐘鳴出寺遲
飲馬橋邊銷戰骨鳴駝墻外沒降旗
平時野哭神來聽當日爭心鬼故知
屋裏住僧愚可笑鏗鏗兩路覆前棋

古意

天風相思枕夜雨金剪刀合歡帳額雲錦綃製成鴛鴦
雙頸交鴛鴦交頸不交影明月銀燈亂俄頃有情惜別
垂芳筵無恨長圓墮苔井芳筵苔井阿誰家墻外行人
印暖沙來意判傾千日酒託情祇看二分花看花傾酒
金臺側寶馬香車夜不息公子初將碧玉回侯家又折

楊枝得楊枝青青飛過墻柳市場塵入洞房奩鏡背人
偷蝶翠池冰掠鬢度鴉黃鴉黃蝶翠風吹亂西林響過
隋珠彈顆顆無情實有情教儂穿得衝牙貫隔墻夜夜
聽衝牙齊向長安問狹斜自有嫁端含豈蕊豈無生計
抱琵琶生計桃根與桃葉百無一計回香靨此生悔恨
作伶人終身況是豪門妾萬態千情悔恨遲女兒心性
本來癡不識當年爲執戟一朝唾手羽林旗羽林百萬
貔貅立貴第金吾高唱入娼家夫婿古今難不道金吾
是郎執金吾不樂娼家愁浪擲青春當晚秋儂是何心
心不肯郎誠何意意相求儂愁不解郎心苦珠被編成

思合浦照人蠟淚已如山寫我離憂又三五三五不易
二八難燈月曛人風雨寒安得吹寒轉將熱自抱琵琶
還自彈

甘巡檢座上賦鷹犬

甘運源字道淵漢軍人贈予句云擊筑夜歌燕市月騎驢

春看薊

門山

甘雲麾金鞍玉勒珠塵飛朝散禁兵日晡出鷹撮盧擊
西山隈臂上一韝鷹涼州得名名決雲帶下一牢犬金
銀鉤響黃沙捲燕領書生倚劍立窮磧邊州朔風急猛
獸當前意自如鷹犬防身一當十甘雲麾爾莫憂請看
呂溫侯風塵之會凌霄遊甘雲麾聽一言感君飼養爲

君牽爲君功狗望君憐若人言之殊慘然

成孝廉座上贈詞者

覺羅成桂字雪田乾隆丙子舉人

青樓繫住有情天花已繽紛酒黯然住處琵琶會拾得
相還爲我一揮絃

周駕堂檢討招飲題嶺南詩卽和其韻

紅燈人醉薊門山一卷新詩落百蠻閑草閑花都到眼
兩年風景憶江關

上章困敦

寒食過安丈墓

寒食荒邱日落春路人遙指舊將軍平原無子誰營壙

明遠工詩自唱墳寶劍相還終及我霸才到死始憐君
忽然破涕一舒嘯如此青山與白雲

活佛 有序

班禪額爾德呢金剛化身轉十餘世居後藏修淨業
精戒律坐床于扎什倫布番民學經成者受戒班禪
若付以正法眼藏是年來朝旋化去

六詔烽烟康衛藏

康為喀木屬今昌都衛即危為西藏拉撒詔藏為扎什倫布部落

爾布叛放弓仗

雍正五年阿爾布等作亂後藏台吉頗羅鼐討平之穢積金剛香

積來七寶裝牀坐相向川滇河漢青海頭已盡西北傾
天毬更出峩嶺問鷲嶺將無杞人重所憂一進賀蘭四

萬里回鶻中原從此始甥舅聯名臥有碑長城空令蒙

恬死寧濮郡王今又來大寶如來黃教開自理西寧茶

馬稅猛火燒盡世間財中國重修西域記烏長毗茶乘

疾置蒲那二十僧伽藍七十一劫入漢地公子王孫遶

佛龕宗風北極天之南本音不對書而對閣起傳燈作

筆談五營將校分行立金塔金經出京邑謁佛登臺淨

業尊朝來進爵知求級鏤版刻牒頒鴻臚大者鐘鼎小

盤盂三百牛羊豕雞狗丹邱碼腦驪龍珠剛人場上犬

食肉

西藏人死負送剛人場割肉喂犬

雪山冰結臧

臧即

河覆白布圈

隨白紗帽

喇嘛元日跳鉞斧之戲戴白圈又碟巴等戴無翅白紗帽

青海陰山同

日哭駙馬都尉安在哉金城公主魂夜來相傳唐公主所嫁蘇隆藏

干布為觀音大士分禮化生雖在輪迴不昧前因後號達賴死乎死乎弗與埋前藏

金城後藏開君不見參軍蠻語聲悲壯晉語唐言收梵
放人知歸笛囉囉哩我亦莊子註郭象

送德禪師歸華山

雲山飛錫到三韓師太原人住嵩山北斗藏身話便難蚯蚓何

因為百合可知身已在桑乾時住京師護國寺

東見那吒擎鐵柱西見石牛橫古路闍黎寸及殺人多
文殊普賢喚奈何

相傳活佛到京城都向紅旗拜舊塵倣儻分明世希有

報恩原是受恩人

行棒辛勤行喝苦今日談元立賓主師見班禪析理甚微我佛如

來吹畫角問話山僧打退鼓

不向波斯奪寶珠風流袋應挂文殊石門不跨閔言語

無位真人識也無

痛惱都無了此生法燈照世自然明他年相別重相見

于聖同歸一路行

須知西藏西來意四海九州皆佛地張公別脉李公藥

八斗四斛金舍利

吾師何事買扁舟燕薊春風華嶽秋嘹唳一聲霞落盡

鷓鴣語鶴下汀洲

懷查伊兩內弟臨清

山海關外紅螺山國畿侯甸何桓桓大將之門皆將種
五百名世通闖闖年來東海烟塵起已亂沂泗交淇洹
檢點禁兵先世族兄弟連驃上將壇朔馬餵肥已百年
千回齧膝始就鞍白虎高幢曉凝碧挑刀三四星精攢
魚靡騰蛇未及陣猛獸射三單騎還隊主號令揚戰鞞
官師狗路負弩籩紅旗半捲齊魯衛牙帳橫列趙魏韓
三軍都是萬人敵一將能息衆將謹風雨之兵助鬼虐
大兵舉甲先聲歡窮寇見之愁且哭斬擒掃地塗纓繁

戎路旣平斧戕畢天人功成天馬寒燕頷書生默相識
非爲功難成功難貴戚古多佳子弟英風綺襦統袴間
兩君六郡良家子漢興同著樊噲冠爾祖昔日爲鴻鵠
鳳凰一出皆鵬搏高門子孫無下品陰爵胞胎陽爵班
昔業旣圖凌烟閣今職豈儕常調官尊公與我舅與甥
舅家尙乘十二閑我於惜鑒豈平平況子成名非等閒
方今我從淮甸來經過其下百堵安市里皆識兩君名
風行着土公子完

重陽

蒙頭一覺寓樓空故國荆扉在眼中燈影自明雞口月

邊聲盡託馬蹄風唯知楊柳是家在除入芭蕉無夢通
夢醒何因忘令節今朝又見雨濛濛

自題蘆溝送別圖

庚子季冬厥日戊申鼓鳴禁省笳吹要津月暗北露日
隱東雲征人不寐馳心飛塵蕭蕭鳴騶僕夫入戶家公
執席餉我酒脯見之且歌遽爾起舞豈吝金貂悔辭銅
虎轅與塵揚馬顧人嘶黃土飛斯寒風淒其前路奚方
帝里天街亦旣歸止江北淮西八材列肆道路人塞中
丞鹵簿三公禹稷寒士不遜驅馬並陟稠人廣衆飄然
去國哀箏駭耳長笛鎮心有客戾止芳醕初斟燕姬並

唱趙女互吟侑此一卮以蕩遐心動足下床臨路執手
因形移情依依楊柳伐木敬故竹葦是受重拜大貺有
如此酒瞥目陽曦不爲爾困寧擲一尺不揮一寸對酒
當歌人生至分薄醉小死復有何恨獨鈴搖搖敝車迢
迢亦旣醉止于焉逍遙以永今夕寒渡霜橋誰摹離訣
惜此鮫綃

道上

朔風張大道斜日照行李班班引車下來我入荆杞慘
淡塵埃中餓馬嚙不止汲路已四斷渴買民井水遙思
宿委意驅馳赴寸晷延瞰紅亭樹歸思始桑梓

雄縣示席中客

驅車入市亭止宿雄州肆瓦濟觀豎鱗白溝看鼓翅魚
物信爲美刀庀于以寄水羞旣畢獻壺殮已備具邂逅
得佳客共論北征記治亂古不一盈虛亦乖致往說互
讐校馬稍不可試望古情所鍾停俎忘什器壹食亦旣
冷復煖乃數四獨笑萍水人立談得心醉問君南歸不
明晨將並轡

荏平

五更催上道星火急末光隔宿勤晨春先爲客子糧臨
去有溫酒持贈兼苾薑平野點殘雪朔風嚴朝陽車聲

班班鳴啣尾投大荒朝食雖加餐宵舍將何方託此風
前趣遠寄東平樹

東平

曉發東平道晨光積翠間馬駝孤店月車載半城山瓠
落秦封見秋成魯道閒兩年游子夢記取此間關

平陰道旁見碑

門庭指荀況家巷見匡衡陳迹有時晦新碑逐處生九
原不可作落日壓孤城三百魚鹽地端深懷古情

宿遷

入竟宿遷縣何因逆旅遲馬疲寒失道輪倦晚添脂野

店舍者隘荒笳車子知神源思禹蹟明日渡河時

永報堂詩集卷二

儀徵 李斗 北有

永報堂詩集卷三

重光赤奮若

雷塘

悵望北門道雷塘水自流山花換殘夢江草長春愁已
是東荒國曾名南兗州滔滔皆逝者老眼欲歸休

相思

相思何所寄所寄正悠悠流水春三尺東風笛一樓有
情恒解此非見不曾愁坐惜離居暫人天苦借留

金閭

金閨冬夜裁縫苦催成白紵教歌舞教成歌舞得佳人
新曲先歸左相府朝罷三騶下第來玉纓翠珮圍三台
未曾親問卿名字楊柳春詞先唱迴香喉咽碧中庭露
荒雞啼白燕南樹人生如樹樹如人榮枯得失渾無數
佳人忽理白紵衣時移身化綵雲飛綵雲飛向江南住
路遇垂楊認燕樹二十四橋楊柳條風裏人家吹玉簫

七夕篇

清秋七夕長闌干珠斗迢遞何珊珊一星未終兩星出
牛郎織女天河間千金麗人卷綃幕下拜殷勤思渺漫
人意天心兩不識造物託形絕其端虛無那有神與俱

貞信默符玉宇寬天人禮命各所遭中情憑霄同際蟠
神明幽覲在歛忽風雲思測心力殫沉香亭北玉輦濕
長生殿上犀齒寒普天兒女同一泣滿地粉香盈浩歎
因心發意貴盛節含氣自有真悲歡四時八節豈無窮
千思萬慮常相攢窮數達變得幻化要在智士慎所觀

道逢家兄惺齋卽送歸靜樂小序

予籍山西省忻州靜樂縣樓里村高祖兄弟三人明
崇禎末伯高祖大有公流寓浙江金華府城叔高祖
祈年公居雲南廣西州城高祖開春公居揚州府城
家兄惺齋廣西州人也名鯤見乾隆辛卯舉人

古受一字稱命氏百世規不祭別庶子稱宗端本支昔
在樓里村與子同親枝乃今東江行得見馬白眉白眉
千秋後子當服期齊告子管涔東已爲他族滋汾陽遭
喪亂六親皆他歧巷無行路人城有晝閑時大父游射
處迷誤當問誰太原豈僞黨故里有子遺弼之士族譜
靈運述德詩門義苟不見諮詢何由知謾謾原上松冷
冷山下溪邱壠有佳城翹望縈昔思豈無疇昔恩與世
相潛移凡民親盡日涕淚恒如斯匹馬鳴蕭蕭行色無
節姿送君歸故鄉迢遞千古悲

元默攝提格

三月詞

年年三月綠楊城處處城河河水渾城裏楊花城外樹
東風吹過小東門

東城

旣醉步東城紅亭寄遠情茶能捐酒濁河不讓淮清楊
葉陰中住瓊花影處行由來稱重鎮薄暮有嚴更

九日有感

江關交九月寒露繫重陽家在板橋外門臨大路旁離
心雜風雨愁侶隔星霜情與秋蟲話依依近我牀

遠別離

人行東城隅歌出南浦曲盈光莫可斂疾響詎容握揚
帆張高風遊子去何速人生百年間所蘊不遑蓄瞻彼
山上岷博厚識土脉望遠豈無憑流光絕影逐

登虎邱塔懷古

遊山入深寺礎幽升雲烟一塔絕形音人意窮其顛行
者縣步持緝堦渺扳纏荒餘安可俯悲絕平生緣吳宮
舊花草今日還新鮮寒山一隰土小宛當依然人生情
素深心遠及所偏霰委寧不悲目擊殊堪憐茲遊畫指
迹留以永萬年

姑蘇臺

靈巖山上姑蘇臺佳人絕代風吹來絕代佳人就手得
江山出手等閒失高臺闌築青山道拓來一掌金闈小
獅子山回顧虎邱人生何必去蘇州

梳妝樓

吳孃自理鳳凰梳四面離奇八面殊吳孃自作時世妝
一年一度換時光君不見東南半壁英雄主不愛江山
愛此女一梳雨過一梳雲今日妝樓壓黃土

支硎

舟過楓橋市人登木瀆亭支硎從此去不斷太湖青

范墳

游子得新意居人守故林共居山色裏相遇兩無心

吳歌

朝遊太湖東暮宿太湖西與郎守此夜情盡五更雞
昨宵楚尾來今日吳頭去明日越山多是妾傷心處

紅亭樹

不斫紅亭樹留伊遮住儂遮儂千里目不見楚帆東

太湖

左攬東洞庭右攬西洞庭左右洞庭水洗淨兩山青

錢塘望潮曲

昔日射潮處今日望潮心望潮不到潮無信失信如潮

儂恨深儂恨深儂恨不堪任潮來潮去潮終到郎今何
處教儂尋

嚴州春詞

春風山外迴春舫越中開春瀨嚴家去春江之字來春
帆依故郡春草沒荒臺欲問春來客春人安在哉

蓼洲歲暮答周大別駕周二明經兄弟

荻實不出境蕙苳勿載歸哲士貴自明知者恆先知林
非獨木成陰豈高樹爲人外試緬想此行將爾墮鄭莊
不有許至性呈諸詞姚荔思在遠豈爲他人欺前人見
蹉跌後人懷箴規苦役庸何傷扣舷適所宜滕王古豪

傑高閣何崔嵬閻公敬愛客安得無華辭子山賦靈光
子安繼前徽有才不得死皆為年少移帆張匡廬東帆
卸匡廬西豫章富喬木紅蓼徒榮滋况經落實秋百草
無其姿繁英不久駐逝景焉可追一年重歸餘載馳還
趨期黽勉故人心疾劇遊子悲歲德有時絕春日來遲
遲蛇足每亡酒余何為此詩

昭陽單闕

贛州贈衡陽驛使

雁不過衡陽昔識衡陽苦衡陽無稻梁干戈况艱阻已
置湘中驛更擊潭州鼓遊子不惜死疾走且為愈避平

成遷人依險躡後旅衣裳自簡閱冠幘還料理豈不畏

嘯咤何以觸網罟今日遇于路莞爾接纓組南贛古雄

鎮仰首窮所睹廣川鹽不來唇齒失三府謂南安贛州吉安三府

守江得兩淮三府今食淮南鹽脂國盛剛鹵時平銷成壘寬政

及商賈東流無西水南雲少北雨造化撰方物天地限

風土遊子復何事迷惑失故侶五音令人聾五色令人

瞽亂門不可過違事亦何取楊子泣歧路感應慎相與

流離艱故深晚過當自補

廣州清明哭孟將軍

炎海無新火荒邱有故人不逢生死際詎見性情真我

自別君後誰因為所親綠珠今尚在守此墜樓身

廟口

落日占高樹遙心依莫烟不堪春已晚無那景相延萬里徽三粵行來將一年姚娘廟口路直上到青天

自苦竹嶺上飛雲峰中路宿觀音菴

鞭馬入苦竹一鞭萬鳥飛惟聞鷓鴣啼不見鷓鴣歸馬上城東門馬下石樓磯石樓有鐵橋峰翠交相圍藉響送川驚望影迎星輝蘭桂叢山幽松柏綠水湄驚巖竦怪石雲棧高威夷忽下平坂來壯海含半規返照紅廟餘鐘聲沉夕暉乃入眾佛門周歷佛殿基法燈半明滅

照我朱顏遲摩竭掩茅關淨名無煩詞鉢孟兩度濕喫粥情依依我非住院僧安得香花隨空堂仰面臥靜諳蝙蝠飢

入羅山登飛雲峰

晨起揖僧去出門尋復還願讀一藏經再上羅浮山山僧笑謂余已在山之間低頭視五嶺各能指其端絕峰高刺天連山交相干兩崕束五雲雲斷十八盤峒洞蘊乳窟玉流恣回旋幽風絕八阻靈氣亘九難滄湄思棲息海浦聞欷歎仰窺青冥冥浩然瓊玉顏凌虛撫烟液已足平生觀予非校僧來茲山多大賢導引謝神獸揚

策契真詮通路猿捉影俊流無支言彌勒見樓閣觀音
施普門我不動一步身暨無量邊向上遺一路千金終
不傳德厚侔天地寧能輕阻艱

鄧家埠

雜居舛止客途窮東道全憑此水通區別百蠻歸木蠶
愁遷七所化沙蟲海魚吹滂倒川碧狔鳥收香翻樹紅
獨任南風乘五兩津亭不聽鼓逢逢

惠州城樓宴集酌陳洛舟太守家惺齋大令

小序

惠州多猺獠內爲之城外爲之郭郭外之士掘之爲
溝上築飛樓切雲破霧蓋以耀蠻落也太守飾武繁

春張宴笙簧酒醴賓從蹶興水具舟楫金翅青雀山
兼亭臺龍城高闕臨江登涉游覽依然陳公曰光景
之間句韻攸寄諸公各製雅歌嵩當置之閣上以示
後之守斯土者坐臥嗟覽焉

江上高樓且約來千巖萬浪片時迴猺酋島部窺邊色
鬼妾蠻風贅霸才大漢使臣曾倚檻中原游子復登臺
我非卽席成詩者罰酒先傾第一杯

聞得梅花舊有亭姚娘山下使舟停蔗門振旅風開道
榕廟來宗月滿廳蝴蝶自承雲表露鱸鮓齊戴斗南星
但看樹鳥爲公壽盡是珊瑚與翠翎

聶郎金峒

羅山聶郎金本是蜚家兒道我入峒穴追路隨所之時
平邊樹繁鬱鬱秋山衣連壤隱邱壑一險矜靈祇桀豎
凌千仞衆勢爭險巖入室遇流液陰滲苔露滋峻滑莫
支足況復疑松脂鶴跡印屋霤猿聲出雲楣橋戶自相
結唐述時來窺是地多塞種卑姓皆東夷歸化若養鼠
避世如風狸我爲中華人異域非所知近年東道通前
爲遊人驅草宿敦行李陳迹徵信疑贈客糴所能白雲
尙相持

博羅送別

萬物已遷落游子悲風秋相與謀誰先握手古渡頭驟
山出羅陽驟水出浮邱一意繫兩心知慮枝歧投生與
子同時和合良有由今日各分飛子先歸江州陸行山
無車水行川無舟鴟梟夜啄人狼虎朝來游耳視梧下
風目聽大江流託音情物非絕端罹百憂辭躡情意深
發言非所求回首絕因依百慮咸不猶今日旣判袂去
矣如雲浮萬事在揮手一別毋相謀

山中玩月

明月出山中周旋意不淺固陰積所滋覲破得明顯偃
臥任幽致情景亦偶遣風過苔衣華露點草心泣鏗爾

佩幽衡冷與金秋餞素賞易消沉流光斷如剪

午日別博羅劉廣文兼寄周潮州

不歌生離別永廢長相思節序何慘愴雲日何參差羅
水一千尺水立當風吹蛟鼉吐毒涎着人不可醫瞻彼
惡木陰不見青松枝惡木搖林薄如誦谷風詩恐懼寘
諸懷涕泗恆無詞別子猶足去去後當思誰安得潮州
潮將此情意回

番禺別盧三竹圃

誰知獨客愁患難去蠻陬落葉吳中晚西風嶺外秋豈
唯遠行役且有戒心投今日來貧孟黃金贈一鉤

自番禺至韶州順風揚帆三日而至

朝爲南海客莫作韶州民水陸已四斷一朝通巨津風
駛猿鳥移帆張蛟鼉振未識解止處何以慰所親壯遊
足暢敘逝景亦斯征人生百年身道長徒艱辛況在憂
患間前路愁慙慙故道不敢出誰飭蘆中人

韶州答楊二汝傑

一雁墜風沙離羣失故道自作分飛翼不見同林鳥楊
二芳年友所友信偕老贈我錫山雲報子隋堤草山澤
別龍蛇萬物秉諸造共此東西身遂分南北道別子雖
簡面分著悔太早乃予絕行路復與子寒燠昔者同金

玉時事誰能保不念昔者心何以永爲好今日雙燕飢
明晨孤鷺飽携手韶陽城孤翔胡雲掃

觀十八灘捕魚

盤盤十八灘已高晨星破夜伸芒毫此時萬魚睡不動
天下無復鱗介勞一榔初鳴衆漁起颺忽戰鬪雷風逃
小魚走如蔡洲鼠巨魚力過長橋蛟揚鬚振鬣風波興
人立欲飛故自超衆漁驚波眼已眯折篙破舷手失調
年少一漁猿臂出輕舉金叉如執簫黑霧四塞天忽暝
唯見白電聞餓鴉波翻碧血溢瀨淚可憐魚禍慘相遭
衆漁坐致利所有罔搏各各爭鈎撈此物一千五百斤

凡才豈解釣六鰲一漁手持得領會霜砧雪刃濕挂腰
笑謝羣漁鼓棹去自有六甲行吾庖

舟泊鄱陽聞廬阜鐘聲

湖入廬阜陰人就鄱陽夕山川得重秀萌養漸蒸默情
物既豐美形骸亦簡質覺夢豈易用所感不遑測心淵
音自生沉潛以剛克鏗然商兌聲窸窣客船側春容復
晃盪虛中本際出悠與心氣合凝神會靜域六樂作供
養王者有其實三寶設法會道場古嚴飾器數豈比合
學聽且有職已賤子晉笙寧數湘靈瑟潯陽三隱在宗
炳爲舊識通遠懷清晤幽散見典式

贈廬山道士

心知不殊遠與君清賞同祇爲山蹊絕因隨雲氣通神
峰各標映流水自淵冲相見兩無語懷秋共碧空

自南昌至廣信道中宿真武觀

直道奚枉路平原多橫流餘干水迫城淫潦浸虔州客
子盤陵陸蕩墟無山邱土人尚謀新舊路阻且修新開
龍山道且謂捷徑求愠僕苦仆踣彼徒迷荒陬魚禍復
四塞欲濟川無舟宿宿得古廟軋軋樓危樓聊爲勞者
息誰爲勞者歌

七里瀧

白雲飛去美人死我亦隨之渡江水雲裏仙人怒殺湍
殺湍不盡餘七里七里瀧水深百尺洗淨竹粉泛螺碧
欲寫美人別後心染出秋波狀愁色愁色不明秋波不
成萬物遷變予何所生呼起桐君石壁開子陵先生乘
魚來五雲葢九級臺吹洞簫四壑哀老蛟聽欲絕山虎
聞且駘先生已去桐君直入白鷗尾掃溪風濕萬葉芙
蓉背雨泣金盤漱露浣黎黑浣成面色如水色換向天
台尋舊識

有贈

陌路無宿心領會在夙好當哥亦邂逅隨吟得情貌音

聲識造曲眇昧飾清眺微密含意理知防及言笑哀樂
成鬱陶思君未敢告古人戒過情品節貴則儆秋星明
路隅歸情自投報

舟出通橋有懷

江水無竭澤石梁有遺形江水流我去石梁阻我行石
梁春風多激此歌吹聲歌吹何時歇何時開佳城琥珀
奪人魄珊瑚奪人魂骨月灌松柏化爲琥珀瑩有時神
歸來皓月懸門旌慘照造門客風露若爲迎昔塵積堯
簞殘燈熒夜青弱息昔在孺學步今伶仃佇延亦旣久
不見墟烟生何時重荒殘端憂人命輕余心夙誠愛氣

虛詞無盈結舌終不費謂子無餘音五嶺苦竹暗長夜
子規鳴何時爲滿人何日能忘卿

闕逢執徐

答客問易

玉門精演策素蘊義姬思胥種古佳手通達吳越事後
人從之遊支離歸簡易管輅豈卜祝郭璞非俗吏吉凶
信由人悔吝不易至世人旣丹愚嘗巧入卜肆今君慳
就余將焉別同異

湖上

修景遲熱客薄暮涼疏鐘但餘高樹日乃來前浦風泛

舟虹橋間淼淼水雲踪夕雨過南溪已入江上峰初月
如蛾眉照人意不濃隔岸有小市候客勤晚春且聚螢
爲燈攜之歸城東

贈醉者

竹林稱七賢飲中歌八仙六清乃何物司用皆自然發
陽得動躍宣氣成狂顛此敗良有由禁之亦可捐但恐
忍所嗜無以全其天昔我小時事甕側垂饞涎長者爲
余言闇書忘風愆形接旣受教分背仍依然比長來友
朋揖讓多周旋卽席謝不敏及醉惟我先但勿預人事
力此殊可權

題賈和闐移家圖二首

放勳無令子謝莊多名兒莫願生子多子多親枝衰鄉
里見富人開田復興陂存沒父子殊東西昆弟離給券
當中裂一人守一支有罪不相及有嫂不爲炊罔顧庭
樾陰坐致芳杜垂阡陌攷前書耨穫盈舊貫生人序譜
屬生分將何爲斜陽水牯牛猶鳴生三犧

一叟支離語自稱曰老夫爲謂少時事嘗與爾父俱出
爲耦耕友入乃比鄰居爾父屢生子余獨無所依衆熱
無絺綌大寒無禪襦竹籬穿不完爾父擁膏腴爲我具
酒來尊疊羅郊墟自天下屬地所語太古初幾年壽命

盡乃爲爾父悲有子豈爲貴有田不足奇富者累鉅萬
貧者困疾藜前人榜樣多後人狗時機汝既有兄弟共
食爾父餘異門熊兒醜異烟虎子輸植杖笑相指子其
藐諸孤

築園

小園山事好隨在得招邀選石穿厓窄編籬取徑遙地
空須聚水路轉不支橋行盡無橋處烟中來畫橈

旃蒙大荒落

游上方禪智西寺隋建四寺之一也

蜀岡矗三峰勢易徑每于林麓儲神明川澤睹瑞符山

獵得禪智隋寺遺一隅肅祇及時盛時移成舊都好樹

埋亂堤雜草隱浮圖敬心接幽靈循寄維荒塗古者封

禪事方位五嶽俱齊梁襲其義四寺報愛劬今日西寺

稱豈與禪岡殊

宋書蕭惠開起四寺有禪岡禪鄉禪亭禪封之名

所感在孝德

至今存幽居道場雖就荒人意屬烟蕪竹隱歌吹聲恍
與秋風徂延訪僅遺蹟惆悵將焉如春來草沒鞞一綫
幾歸途

園中早春晚秋二首

春朝窗外有鷓鴣曉雨初晴始一鳴行路畏濡知露氣
推門驚驟識風聲不開竹徑因妨笋欲廣松陰故種藤

鷲見青天落城外拓絃空際有鳴箏

蕉陰黥地時一行桐葉漏天容小立牆根草蟲飲露咽
磚縫野花含雨泣蓮空梗斷浸碧磯柳黃蟬脫墮苔井
南窗斜日減線痕西簾新月冷梳影

茅山祈報詞

世人習祈報拜愿事鬼神匪直具香紙法集兼捨身厥
故良有由天性親其親疾痛或害事冤枉若不伸子女
於父母骨月非異倫伊余疇昔心嚮往三山春余母久
牽疾營療昏與晨天不感愚誠愚誠何由申請禱古所
擯所生良苦辛苦辛滴我心登天叩玉宸口吃無華詞

哀哀難具陳接靈愼感應享儀端精純

過江往茅山中路宿華陽精舍

近跡寓遠理閉影恆勞形我聞句曲山中有華陽庭久
爲靡者居剪飾端儀型駕言往此山問途先已經顧瞻
第八洞長揖破虜亭神往似霞舉涉境若雲停泉石任
所歷松風殊堪聽勞者亦既倦爰居林外坳

中峰二首

雞營出鷓雛牛護繭栗犢人情雞與牛不知人顧復哀
余渡江去家人苦勞獨閨中有弱女自幼絕髣屬日依
吾母食夜共吾母宿聞我事行役哀哀向人哭我知有

六幸堂詩集卷三
哀女忘我哀哀母臨去頻悲辛去後各酸楚今日上中
峰一步一延佇

山路不相悉告者一停馬鞭影指修壑已見豐碑瓦沿
溪多樹神雲霞鬱松檟上盤陰峰顛俯殷伏泉瀉懸水
貯碧澗垂石塗丹赭游光夾竹陰發靈周四野甘樹蔭
髮膚萬峰衷膝下人生造化中死亾不虛舍五福與六
極憑誰錫純嘏不有俶儻人雖明亦苟且苟非百歲母
未敢禮般若鬼王見天帝難事不容假

華山尼

手將夫人乳墜入千子口今日拜辟支菩薩自有母解一

溯彼魏瑤光復念陳觀音妾亦自有夫昔日登平津解二
平津有光輝邱塚還傷悲中年亾夫婿懷中遺孤兒解三
并州快剪刀剪去青絲髮妙總放得過抽身上寶篋解四

下中峯沿洮湖東句容中路作

五城十二樓移景成雲烟仙源響春水送人遠出山盈
科自漣漪文理清冲淵間關長晝中鳴策意新鮮去勢
如脫屣境過情不延緣浦耿相憶幽邃仍回還

朝發三清觀抵句容

騎驟下平坂駸駸勝驂騑未晚句山下夕陽羅庭秋北
來多流寓問余山中游窳造得佳寺雅拜皆純修先君

其猶龍真容焉可求若謂世間相李室非其儔形神如
有親雲際觀青牛

望古

南朝捲盡金陵霜獨行望古何淒涼四百八十州兩寺
三萬六千筰訶場棗花門向紫沙邈桃葉渡頭王謝亡
春風掃迹短如夢板橋人過秋草荒

同朱二亭游清涼山過隨園

攜手穿林去積年今入山損詩尋橋里移疾叩柴關古
者此娛少名園鎮日閒若非有吾子已失碧雲灣

隱賢菴看桂酬王羽士二首

羽士名至
淳字樸山

南土宜樹桂秋來花滿城重闔閉不密幽香破柴荆高
寒襲我締蒸氣饒芬清會境得豐秋粟粟含至誠攢簇
依幹殼桑積剖光瑩從坐此樹下含薰念友生

雙樹久知處獨楓亦名里况此一枝選豈與叢灌比一
枝不足秀中有一道士昔唯朋松石今已侶雲水與予
爲素友伯季久忘齒一言皆入微秀出得元理虞筆欣
所宗廣談自有體拈花共微笑天香落霜蘂

白門桃花歌

白門桃花天下無老夫聞名買數株載之江船往江北
住船且買種樹書昔日春風桃葉渡天涯芳草傷心處

當年望族已晨星幾家不在烏衣住空庭開謝自年年
大半無人對芳樹天下潛游感戀希巢林那問南朝路
但惜揚州繁麗場家家戶戶種垂楊揚州宜楊盡喬木
至今樹樹思隋煬楊柳桃花非一種生值同時心共傷
種桃安得種楊法二十四橋成兩行今日江風將我阻
猶為桃花戀故主枝上癡停建業雲根蟠腫擁秣陵土
江人莫誦桃夭詩桃花已是標梅期桃花嫁我為壯妻
石尤石尤吹我歸

凝香書屋同汪大容甫口占

鎖合朱樓與翠樓梁空蠹粉燕驚秋折殘楊柳忘前別

伐盡芭蕉閣暮愁初四小名春事淺十三年紀夢雲稠
畫簾密約全無影明月招魂又上鈎

聽葉大英多評話

葉英字英多號霜林江都諸生明葉公相後裔

我友葉公官族世功大夫倚廬雲初慎終故人綈袍戀
戀在躬夜以寢臥晝以禦冬其閉戶讀書不遑寢息尙
寐有牀聚置三國以為口技敬亭是式英多工衍義三國志舌戰羣儒
為世友朋求之視子顏色其貢禹革履原憲草衣入門
非是都目無人浩然以安含意未申乘興唯子興盡勿
嗔其三時則乘興梁塵乃定高論盤古袞袞可聽雖日衍
義良史是稱偽魏是譏子蜀統正其稠人見紹盛坐無

車我思古人其何以加北海樽酒對山琵琶我思古人
將不女瑕其五

觀劇

執事開前軒爲我啟嘉讌九原不可作免我屬英眇昔
賢惡作俑象人乃借面優孟侮衣冠且復極妖變創聲
多因形構唱每虛戀故人懸遺挂故心入遺轉讀書在
論世耳貴目豈賤義直秉昔史傳神倩生傳千古華屋
上舉首傷遐睠不見古時人猶見古時燕享我亦旣徧
歌舞寧不倦我醉且舉觴自向甍旣奠

訪戴二雨峯

山陰道上鳥關關畫舫烏篷日往還每坐戴家窻戶裏
照人紅有夕陽山

題江上歸舟圖

此行歸計畫中論江上扁舟岸上村楊柳桃花三十里
春潮帶雨到柴門

永報堂詩集三卷

永報堂詩集卷四

著雍沿灘

儀徵 李斗 北有

園中四詠

碧玉船

陸處既非屋舟居亦無水藍田采綠回青入子母髓因
阿結乳竇一碧乃如此

小壺天

鑿翠得乾坤剖青自天地恣心利所適造物小含意中
有二人奕與我各殊致

不波池

愛彼古井水引之注方塘一片不波心定入池中央時
見曳尾龜與人遙相望

凝香書屋

仙人飲玉露神農食毒草薰蒸入五內顏色悅澤好天
然積理處剪飾廢灑埽

興化曲

春采綠秋織草興化女兒辛苦早年年五月祀芒神興
化女兒初游春去冬單被裁縫新不憂勤望損人倫

過柘櫟

一舸伊啞破烟霧水國艱難愁凝沍蘋蘩菰蔣若碁布
鬧出荷花亂官路雪香蓄異隱鷗鷺異魚飛上海門樹
爭新拍拍野心鶩放鴨船來自飲故渠畝雞豚過無數
問途已過柘櫟去

寧洋竈舍口占

灣灣曲曲串場河沙岸縈迴一棹過竹蕩林深藏翠雀
草心花淺拾蒲蘼徑看屋角三弓少轉爲田尖十里多
豈是琵琶亭畔客今宵商婦不須歌

野步

空野無人到停橈逗冷尋竹萌前夜雨芳草昔年心白

日何其速流光亦既深湖天相憶處情物兩浮沉
如臯訪友不遇

吾且來如臯空衍亦可笑親仁放船去柴門成虛造反
流入回澤折風促歸棹秋蟬登高樹無情戀殘照

屠維作噩

飛絮

落杏飛花皆有命天桃散水總由天况逢楊柳傷心種
今日枝條更可憐何事肯將身作絮幾曾生就骨爲綿
紅樓西面紅橋北霧裏風前盡化烟

捲盡長條又短條此生休矣太蕭蕭眼前辭樹全無影

身後爲萍總趁潮浪迹年華空綽約風塵海內枉飄飄
古來十里旗亭路征馬征帆兩鬢凋

初夏郊行

墜歡不可拾春去已堂堂如此不追賞浮生有底忙鶯
雛流盛木魚子鬪新塘可惜芒鞋處村墟損雜香

平樓送遠

樓在蜀岡法淨寺東偏
凡三層卽棲靈塔址

平樓萬松上一松青犯檐捷將刊此樹及我望還瞻身
豈棲靈塔空埋海上尖綠波春水意因賦託江淹

上章闡茂

行人詞

游宦塞天下流賈揚風塵迢迢終世羈落落平生親行人重行人何爲苦逡巡白馬埒河外碧舫懸江津相候時已深閑養或有因歷久悽所聞哀聲出所親豈但親者悲含涕及嘉賓何以疎者親一別損至情朝林翔飢鳥夕波遊餓鱗網羅日以密行人同此身行人爲此詞行人歌斷魂

渡河答謝未堂先生

入塞桃花浪間關到海窮龍門猶曙色淮甸更西風家學言莊子扁舟屬謝公此帆正無恙僊棹喜相同

齊河旅夜

越在岱陰齊秋星悵靈光夜坐勤芳思遠道綿以長起視芳樹間哀蟬鳴未央亦旣沐雲油胡爲愁冰霜秦巫守祝獻魯柝嚴津梁化我上國路周道結中腸賢者苦企及不肖多悲傷空庭改秋影流照正徬徨後影相因依轉眄前影亡明朝入山去雲樹正蒼蒼

青州道中作

驚鴻矢共險駭鹿任異迫鳥獸且愛類君子獨行役朝自青阻豫行李已繁劇胸山復夕至邊海無荒驛旦旦易舟車日日移賓客北行有一寸南歸無一尺翻翻逐塵足矯矯凌風翮離別豈不悲憂患不遑積游子多野

元華堂詩集 卷四 四
心謀之不易獲

望岱

萬山一馬生白雲起封中膏腴二千里中有周道通黍
稷自村落津渡成要衝人烟聚城郭上覆青溟濛萬端
在資始陰陽交天工片雲不及寸雨我天下公時聞金
玉鳴聲應皆狷狷行成梁父吟高撫徂徠松七十金銀
繩虞巡知所宗道德太平際幽明恐弗同皇漢羸博間
有唐天齊功代有茂陵藁幾變成乾封蓄勢凌滄洲歛
氣歸蒼穹神明自不輕所住恒春容不假壯海威獨窮
造物終典禮閱盛衰地靈別卑崇我爲岱表民長策振

于東未謁嶽廟祠屬望何穹隆翹首祝府君永保束帛
琮

熬陽

毒龍破禹穴蒙羽其魚鼈捧土塞孟津此計不可設鹿
角已閉關久聞馬頰決橫溢漳南來仄出濟水絕寓流
荆徐民共改齊魯轍昨日舍車去濡軌失羈繼累驟入
徂徠茲山復地裂陷淖或掀出還潭顛復揭浴盆爲瑞
室米甕若丙穴吉甫子安悲泥和先雄烈何時來招招
中流叩擊節

渡衛河

我誦邶鄘詩衡漳際天放厲揭絕波濤泳游阻溟漲昨日拍浮來累牀坐相向都邑已通船風聞倍惆悵今日喜利涉騎鯨橫海望津門為大川峭帆舵樓上回頭別齊宋勞民端勸相

西直門 萬歲街與謝李兩侍郎恭紀 盛典萬壽

盛典載自西直門內至西華門街為兩淮南商人陳設擺檣點景

麟鳳在郊藪河洛出圖書致此良有由聖人握靈符日月如合璧五星如連珠自天下屬地聲教規誕敷今年天子壽八旬端 皇居外國來四方職貢羅通都歡聲致重譯入直承明廬犬馬識厚薄報答竭誠愚上極

泰山陽下窮四海隅閭風扇禹甸慶雲覆堯衢千貝揚經聲萬佛光不殊金石奏于下上歌生民初珥筆盈螭頭文艷唯相如司農正商賈表上姓字俱 帝詔佳吏部寵錫簪與裾晚夕學揖讓詰朝朝 鑿輿平明降法駕升殿列鵷鳧濟濟正四國迢迢極九區文錦出官庫玉食馳天厨肆市多酒人是日天下醜翹首 萬壽街六合齊山呼

借錢大宴集章棗林

不衣煖自生珍裘棄狐腋黍谷吹有聲親仁焉避席城南折一簡城北就三益累騾坐懷語羈心逐短日易車

復接茵餓馬不堪叱高會張脩途佳人遲瑤瑟清露濕
羅裾華燈艷榛栗古人重信友千里致遙夕合歡先合
心流光暗中逸

傳經院懷北僧介谷留示南僧愚谷

八萬四千塔萬二天地表三慧著金字山僧硬學好吾
師舍縫掖內典亦弗考仍以儒學名雲臺敷麗藻餘事
爲畫師一縑重京鎬朱輪日以滿雜碾門前草古者大
君子法集衆枉矯懼人在阿鼻誘我絕痛惱聽經破產
遲就講竭財早卓杖作唐言留益念厥紹吾師肆應才
母乃弃所寶但念北風涼永逐南雲掃臨風展遺札伽

藍已絕倒

贈栢林寺王禪師

聚沙爲佛塔歡門諸天開風語際空墜一鈴落我懷瞻
彼禪悅性來吾講經臺大衆頰首拜法集稱辨才佛光
燭四邊窮照及蒿萊棲誠識津梁揚聲端往來聽罷從
師去共嗅禪亭梅

滹沱

一粥上魯口蕪萋碧水空簡稽連薊北轉漕及遼東街
豎吞鈎鯉家懸落箭鴻里人皆愛客戒我入鄉中

道旁酒樓

疆河入定州回攬薊門秋馬轉河東角山堆路北頭岩
花窮艷放溪水盡情流橫插青旗出攔人是此樓

宿新店

戒途經短夜一馬萬山青控勒將投劍揮鞭甚建瓴薊
堧餘舊壘燕戍有新亭竈滅烽沉久行人寤寐寧

沙圻馬上

城隅飲馬地一騎下滹沱病髮風前立秋原燒後過時
平荒壘少古道夕陽多歷塊休相得前沙更旋渦

沙渦客舍

放馬寒林迥歸人荒草收紅燠青塞火碧咽玉泉流炊

飯客來熟停杯夜起愁意煩華燭下清角動邊秋

井口答趙郎中

相見一何晚入門悲復歡邊聲隨雨急海氣與杯寬詩
句見新藁周旋祇舊官荷旃還被毳何事勸彈冠

曉發

莽莽窮邊夜天涯獨往時已收罷吹角初照未縫旗地
黑盤秋燒山青入早炊夜來霜勝雪人盡白塗眉

沙鋪

獨去無人境迢迢曉景懸磬搖荒寺月漿賣小家煙草
淺諳狼迹沙平費馬旋此間征戰地勲品幾人全

懷成雪田

貴滿好自持思君有素期書名曾獨擅酒令未堪師一第終何補三良尚有詩何為公子醉倒在綠琉璃

懷程相國二首

躡履見丞相知君愛醋芹家成招隱館集有送窮文江左風流在劉家月旦聞昔年投刺過民禮不會分

况乃洞庭險扁舟意若何鳴鳶誰與載春水自為波一別情先盡清愁酒未和南浮江漢下莫怨楚人多

有懷二首

良悔使君狂相逢有薦章齊臣嗟髮短左傳盧蒲嫫漢吏記

身長後漢書盧植來路曾經里閭風每望鄉吳門多白塔處

處占斜陽

讚佛武當去行邊香艸痕一從江水長萬里下荆門北海客盈座西施家一村五湖皆泛宅悔築謝公墩

懷黃仲則時仲則客死絳州

莫嘯瓦官佛如君太瘦生死前薊門路別後絳州城肥色已多損生光竟不榮休文遺革帶如見沈郎情

咏月月紅

羨他格外占春窠十二回紅遍看過去月漸深來月淺此花辛苦是開多

重光大淵獻

題王蘭泉侍郎三泖漁莊圖

五里笙簧十里簫都城祖帳滿詩豪贈行盡道公歸好
七十詞臣不早朝

水鄉三泖好爲家湖上紅雲岸上花人在打魚莊上住
朱顏不用有丹砂

道上詞

楊枝柳枝輕別離桃花李花飛欲絕行人長程復短程
鬚眉點上暮山雪行人上馬揚珠塵行人下馬琵琶新
共執金樽唱明月長歌短歌愁煞人

自臺莊往南韶道出揚州過家不入門

衣緇燕趙塵澣就清淮水三年出京華綿綿未知止昨
卸揚州船鄉音省游子相別重相見平生得契旨歸心
務見家一步至于此解心傷千里雁折翼肅宵征曉起

犯霜去暮歸冒露行未敢見妻子潛爲親弟兄况恥秋
胡詞持此棠棣情舍此將安之迥迥非所營二所營在

寄託聽者盛酬酌東吳萬里船門前感飄泊廣州三十

萬一過恣揮攫將泛滄海槎不返揚州鶴離別須臾間

下拜珠淚落三淚落魂已去去去從此辭隨殼成比翼

避禍各分飛有的貴釋志正鵠無邪思古人能破此今

人應解斯但以男子事勿為兒女移四解兒女非所傷天

涯何徨徨僕夫既迅厲舟子况飛揚廬墓罔所顧草木

皆衰黃投人苦竹間鵲血沾衣裳鵲血有時盡人意何

其長五解

傷朱竹君程漁門兩先生

大雅云亡此二人千秋實有未招魂北平遇子遺賢少

南國逢君宿老存能識賦心揚狗監許歸名教李龍門

楚車今日匆匆過知己難忘是感恩

仲興

河海江淮地滔滔總逝波馬窮流水活米貴落花多歷

盡太平險曾經一再過今朝更南去前路竟如何

城南旅舍題壁

有人西山來與我同舍住西山邱壠多有我先人墓謂

我墓草荒榛蕪皆滿路豈無掃墓人有兒今遠去

聞聲識人來掀髯淚盈握吾兄方六十諮詢及邊朔怨

我又南征親人上無覺示我殼與雛生本同哺啄

兩兒初免懷雙角已玉立暗識疏與親乍見且窘急爾

母攜之來母哭子亦泣一別最傷懷瞻望易弗及

許墅

孤寒作客容留少患難辭家去就非車馬過橋真又別

只餘陌草送人歸

曉城有感

豈有渡江理舟移歟若仙身非松子化心與柏舟懸木
落秋風夜水生青草天馬當雖不遠風便亦徒然

彭澤

且漫登廬阜波濤不可當鄱陽三百里中路大姑塘
遑慮大姑惡小姑風更狂今宵彭澤酒先奉小姑嘗

登上下兩石鐘精舍有懷故人

山川細宇宙園林因敷陳排虛懸翠椽倒底結幽鄰面
陽引竹栢對陰披荆榛人立驚浪中昔樹皆故春故人

居長安幽棲志未純南士無還資窮數增埃塵違官識
冲退積德何時申金珠棄山淵光耀寂寞濱于秋萬歲
後如今懷故人

精舍爲周駕
堂檢討故居

遊丹霞山

遠山溢神明黝焉滴如水近山擅妙用望之不計里霞
舉千百仅悉頽失端委上有飛瀑布層折明條理于以
舍舟去路口過橋始松門洞瀟灑石磴不可紀兩谷夾
險來周遭鬱雲詭近東萬壑興譎態擬難似紅廟隱叢
藪丹崖得靈祀到門驚竹栢猿鳥去何駛萬木振山響
雙橋接峰起過橋象高座經案列金妃禪刹鎖宿霧方

丈通天咫南山屹竦肅壁立直如矢丈尺莫可計絙索
張得使緣陟階于天金繩罽容屣山轉忽聚落北壑又
亮美菡萏紅四時開謝歲不止枕水有峻嶺引流擊堅
壘相山知迎送岡勢復西迤鑿石剖幽怪佛光出荆杞
一室曠且邃螺髻生歡喜舍利不愛光萬山積成痞有
時放光明秀絕中天峙化作佳山氣渥丹成絳紫占斷
英雄天流出堯時髓我非流竄客胡爲遠投此稅駕乃
半月四山任鉤揣秘詮久蠹蝕支慧亦已死美人傷遲
莫何以破宗旨

山中遠眺

奇雲起天末幻作山外山就山得脩路流水枉彎還遠
波明沙際接續亂石間一帆潛爲通流心詳水端造極
各擁勝歷見方詳觀至情以奔悅冲豫皆所安

焦峒嵯

就手落丹嶂峭壁蛻骨興圓蓋合巒氣一泉懸萬繩識
路貴識川緣流階獨升緣之得崖峒詭雲眯復疑石室
鑄菩薩朽木雕枯僧倚闌撫天地唯然銷眾能未敢與
神通六用不相凌况以氣視聽寧非異所增茲遊善易
用凡民鮮敢承

聽山僧彈琴

深山皓月澄此琴心獨上白石發彼好音鳥啼猿嘯萬
壑響五絃高張獨來往夜靜無人空復明粉壁猶留猿
鳥情

獨酌寄萬大黍維

蕭夜自飲酒孤燈與我親獨盡壺觴趣况窮邊塞春蠻
更不知夜山月無定辰有酒固可傾瓶罄誰爲鄰故人
有家釀渺焉隔重闌且盡杯中物今夕會不貧

雨中觀瀑

上古萬丈壁積陰紛駭屬今雨忽飛來懸流如車軸負
險迸緋珠挂崖浴衡玉灑激崩峽聲沸騰亂川綠斯地

唐述窟本有牛兒族早魃不濟春祝融不終伏此雨亮
天功林間謝炎燠稍延山光青沿溪清賞足

七姑廟 小序

廣東韶州府仁化縣廳事後幕爲神座祀七姑神神
姓氏弗傳俗稱廳門開則虎入城宰斯土者門外拜
神避居他室

山縣無苛政猛虎常食人司閭守巖關晨者閉荒闔韶
南俗尙鬼苗蠻更鬪神里中歆七姑虎不進城門邑宰
乃換解分宅樹雲旛陰霞閱玉佩毒瘴御湘裙時祀潔
籩俎清供羞蘩蘋有時惡風興發靈巡邊春生非長風

鄧南齊書周山圖傳長風廟神奚誤拾遺陳蒙齋筆談

廟即拾遺祀陳禕翟豈后土妯娒寧神君史記封禪書

子昂誤改女像先後宛若注

先後即今明神志史籍作頌嚴具申

丹霞入三水引

昨下丹霞山今見丹霞人人意若山意朱顏驕青春吳趨巫波客楚歌招放臣邊聲多離音劇忍失故親殷殷雷州雷破出韶陽津散作峽花雨浣我衣上塵君子明去就小人失因依

韶州寄故人

獨客自萬里但問誰與歸匪直道路異且使情貌非南

韶下水急潯梧上水遲兩水立交流中路判因依思君未敢言中心寧不悲悲來敢放言隔水音聲希

蒼梧

白玉山東行白玉山西走日窮一萬里夕至崑崙首心為眾慮本精馳失所守馳光逐羈孤瞥影喪匹偶哭變燭光善淚益宵明醜化為零陵波綠遍湘中藪波逝藪獨留異心不長久

蒼梧一片雲飛作賀州雨賀水一千尺滙于臨桂浦水愛並流好人識獨行苦愴快難于懷離居孰與輔嗟予和雅音不善勞人語萬里野心驚頓失至精主心哉良

不美累劫到塵土鬼物憑風翔變厲相爾汝往往呼我
名告我久艱阻貽我曳影劍斷水如斷杼

梧州

梧州南接五羊城區宇于茲楚粵分赭白飲寒冰井水
丹朱葬淺火山雲已聞南越將輸欵猶是西陲未撤軍
時安南阮光平內附南關白哲風流誰似得一門豪貴數馮君

深山大澤產龍蛇

三江口龍王廟有青龍居窟中木假山上行雨則飛去三江一通安南一

通桂林一下廣南

霖雨存身拜舊槎神物不須推泊木明珠何

事問張華南交象郡歸平秩東上明堂看拜嘉但使富
良潮信早好聽柴紹弄琵琶

蠻王傳道改重光始上豪酋待受降地匝桂林香過嶺
山添象蹟白浮江大夫跋涉皆籌餉名士風流獨領幢
借問蒼梧天使館可曾土斷罷僑邦

時平事往識提封已附秦關百二重鬼母淫能吞蛤蚧

獐童素自衅芙蓉

山夷見芙蓉開則嘔血謂之芙蓉衅

客中得我當城鼓

徼外看人上景鐘取次休兵鑄農器春來應見綠烟濃

獨遊冰井

任逸破遼廓富泉伏榛邱雙流緣足生審物知靈湫別
澗不異水同井爭綆脩越女負甕甃蟹婦懷瓶甌清譟
苦不停玉虎勞不休流光無曲影窮聽凌清秋寄語抱

冰子莫散池上漚

冰井寺贈石上人

閒攜一壺酒往尋釋和尚山容久淡佇花氣自幽放一
溪橫石梁緣仄行水上古寺水西出八窓走青嶂引流
入山厨采蔬充客餉滋腴久屏絕吾師薄供養偏肥恥
余口權禮亦至當斷生不徹飲糖蟹無世謗與子共此
觴子且出家釀

雜詩

南方有蝮蛇北方有守宮守宮不可得蝮蛇時相逢云
是延年藥可補造化功我非楊椒山亦豈虞士恭嗟彼

九月牀成俯寒號蟲

行行重行行蹶起張高帆飛鳥送行客棲立危檣間迎
曦曬羽毛浴罷振且乾引吭一長鳴帆東鳥西還客子
目送之飛去昨日山

萬里此一舟千川此一流川上遠遊子獨泛青天秋征
鳥非雲心沉魚非天遊微知識羅網如彼游子憂游子
將何之生人毋遠謀

內誠生雙光感應根積素來者既有因往者豈無具清
靜至明出自晦亦不固世上多燥濕輕重得殊趣靜者
一以鎮往往觀清晤

雨中由開建過莫羅村逾忠讜山抵慈樂

九驛絕復續三冬終且回水窮阻節序陸處排封開川

開建二縣

五更風雨興候吏嚴相催天明募民夫舉輦光熹

微我聞莫羅村詰曲盤蒿萊越竟忠讜山危巒高巍巍

前村老虎去後村大虫來上坂駿馬死下坂飛鳥垂周

道且雨雪徒行已可哀况有肩上輿軋軋重徘徊足下

有泥塗頭上有迅雷蹠穿苦舉趾膝暴愁析骸前途聞

陷淖後旅驚脚枚踣仆恣淋漓亦且短景隕昏黃奪人

影暗黑埋塵埃舉火三百人氣息沉哀煤朝食賀縣針

莫舉慈樂杯通道及蠻夷此行何所歸

莫羅村李花盛開

絕水百餘里孤村花斷人感此星歲移雜發何凄清微

風聚白芊露淞籠素英山者自深密種此代躬耕愛實

不愛花委弃何盈盈羣峯識深淺衆壑分陰晴吞吐極

變化環繞皆瓏玲素理亮高寒香馥成潔貞先導謝峒

搖同行餘峽氓相與通路去直到懷高城

元默困敦

懷集三江口夜泊留寄韋大友山

朝辭威州城暮下三圳口宵柝驚夜行郡溪不可守逢

懷既至止遇會亦淹久外遊竭其變內省誓所否中心

迷哀樂頓使容致醜獨客每損識歧路况分手且以吉
凶事懸之生死友逕記已綿褫江南屬烟柳仰視星月
光與我同牛斗越裝亦旣都塵效將毋負明日掛帆去
不嚙旗亭酒

峽中飲酒

酒來歡喜生百事無不宜水陸旣四斷扁舟安所之靈
物妙解脫自得非人爲有便命施設飲斯無定時欵枕
下萬山夢中泯險夷

趙王城口卽事

絕水萬重山孤城飄寓間荒官聯百越邊役帶諸蠻天

盡荒程迥秋移客鬢斑溫泉如可治且過古秦關

簿籍難尋校刑書費表懸以聲致禽獸壓勝事神仙海

晏山空日烽停竈減年新聞將徙市飾怒正籌邊

弓弦生霹靂聲落桂州西邊塞嚴關燧中原動鼓聲有

時通旅次傳道得招攜若不嫻蠻語何知 聖德躋

羌笛中宵出山夷正斷江驛梅懷北使官柳望南邦荆

陝聞歸命瀟湘正受降客愁蠻嶺外烟月菴虛窓

別黃小仲

小仲名一
生仲則子

三年作客似攀嵇康紹風流識解攜荒草已通梅嶺路
夕陽猶戀絳州隄子能歸父名堪繼我亦生兒髮未齊

正馬偷歸奈何事臨歧莫問粵東西

江上懷人九首 小序

壬子春夏之交自懷集歸仁化周贛州抵寧都順流
過郢上下江南三萬餘里在道務閒微得點翰雖乏
紀行之什暫得懷舊之篇舟車之苦何曾暇豫心乎
愛矣未嘗有歇思想風形清光靡間譬夫夢縈溫玉
饑渴明珠雖愧卞隨猶爲好事新有所製不吝鄙言
室家亦已亡愁人過大梁豈必終無已其如少不颺古
今辨然否木石感陰陽前出蒼梧路東人或酒漿
長庚一疋布西著左蒼梧河漢渾難識山川杳若無亡

人奚所往遷客亦何辜况入邊州夜荒笳斷草蕪

昔年置酒處意謂此江頭黯黯前回別迢迢幾度秋送
人還訂舸去客復登樓感子纏綿甚于今望未收

西陵岸上石比重不如愁滿載量千丈無根此一舟誰
來悽別曲愁使重離憂明夜思君子劬勞不可酬

昔人爭郢上所以控荆湘江路于今在中流下漢陽漢
陽烟歷歷漢口樹蒼蒼三月生春水思君如許長

寒笛出黃州風天一倚樓紛紛木葉下莽莽夕陽收黃
鶴空飛去梅花感夢遊遠心不可滅趑影下滄洲

江東先建業然後有蕪湖潮共河豚上雲兼塞雁無酒

闌人已去風遠景偏殊浦水相思處滔滔盡入吳

潮落大江秋梁山東迅流東西雙塔寺各在一山頭楊

柳風來少蒹葭露下稠南方重行色無處不悠悠

落日不可繫斜趨幕府山照人傾別酒送客過江關江

上風波惡金陵子弟閒此人殊可歎已見鬢毛斑

永報堂詩集卷四

